

太上洞玄靈寶業報因緣經卷之六 六

慈濟品第十四

大慈大悲普濟真人以業報因緣請問太上爾時太上道君曰善男子善女人常行慈悲念度一切施財施法廣救眾生善巧發心皆

悉利益受生果報無量無邊割肉捐身聚斂財寶常作福田散施衣食不揀善惡平等與之及鳥獸蠢動舍生普救飢寒最為第一又道邊立井建立義堂種植果林撫養勞苦復於諸山谷及諸江河廣立橋梁運動行旅勤行不倦衆聖來迎

道君曰昔有賢者恒行慈悲蔬食薄衣徹其家產大建福田救濟一切二十三年吾道慈悲真人度入金明山中受與經法六百四十年值天火化形生清明國門二十三年紹隆王位倍勝於前大造功德八十二年吾道無相真人授與上清真經修行二十四年功圓行滿白日飛升為四梵仙人又有賢者造立義堂撫養勞苦一百年中吾道玄一真人授與此經令其誦念八年之中老容返少面有

玉顏慈心轉勝勤苦不休三十七年吾道長生玉女二人下授延壽靈藥服之得壽萬年今為景實真人又有女子種植果林及以衣服散施行人平等不二五十年中吾道風雷使者轉形為男還行普業一百年中吾道九

龍玉女授與真經修行十三年金芝生庭鳳凰下侍天衣自來又十七年吾道太玄童子乘一輪之車下迎升於皇茹天中為玉圖先生又清淨國王夫人常行布施普濟衆生一百年中吾道元上元玉女授與洞神真經度為女冠得三十六年吾道變化童子吐火錄形及其童顏復二十年吾道景上真人授與洞玄寶經修行六百年吾道元上真人乘八鸞雲輿來迎今為上元玉女又清妙國王子常行慈悲手治橋梁濟人勞苦十五年中吾道

救苦真人授與此經奉行七年勤苦轉加十七年中地生蓮華一具千葉廣子犬二葉問皆經文及寶函寶蓋名香仙藥玉童玉女捧接飛行通滿左右奇妙難思王子精誠心轉堅固四十年中吾道九光童子度為道士授

與昇玄妙經晝夜勤苦倍塵沙之數不可得言汝等男女但能廣行慈悲濟度一切衆生無大無小我悉知之汝輩男女但有始無終或不能勤苦暫時還退功行未徹子宜勤之

救苦品第十五

道君告普濟曰吾常念衆生在三塗十惡之中為諸魘魅精魅惡鬼邪神毒蟲猛獸刀兵水火枷杻牢獄疾病苦痛之所纏繞不能自安吾已出三洞經戒救濟等法以救護之又出符圖七十章神呪四十首付諸真人及諸天帝救苦真人三天大魔王五天大魔王分布世間救護一切令得安穩然衆生愚癡不識罪福放縱六情殺生偷盜邪淫放蕩貪愛瞋怒愚癡顛倒綺言妄語惡口兩舌咬食衆生破齋破戒違天犯地背正面邪禱祀鬼神衆罪縱橫而無片善致毒風惡毒六天魔鬼遍滿人間流行殺伐中害死傷日夜萬計不自稱量吾故常遺諸天帝主十極神仙三界四司人間按行救度衆生遍滿天地人豈知之今指告汝救護之法汝宜行之常以月一

日十五日盡日敬諸男女到此日中不食酒肉制止六情清淨燒香於其家中及至玄壇靈觀持齋授戒誦念是經六時行道至心敬禮

至心敬禮東方慈悲救苦天尊

至心敬禮南方好生救苦天尊

至心敬禮西方平等救苦天尊

至心敬禮北方大慈救苦天尊

至心敬禮東方普濟救苦天尊

至心敬禮東南方無量救苦天尊

至心敬禮西南方等觀救苦天尊

至心敬禮西北方惠化救苦天尊

至心敬禮上方遍慈救苦天尊

至心敬禮下方廣濟救苦天尊

恭敬禮拜已各各稽首叩頭長跪伏地三言

十方救苦無上大慈尊弟子其今日是元夫無量劫來沉淪罪苦造諸惡業殺生偷盜邪淫放蕩慳貪瞋怒愚癡顛倒惡口兩舌綺言妄語啖食衆生破齋破戒違天逆地罪根無數不可計量伏願十方救苦無上大慈天

尊救其愚癡乞得清淨乃至凡諸厄難一切苦痛於其家中或靈觀玄壇能自發靈首謝已身吾違諸天按行靈司即為削除罪考免其苦厄若身不得自行當請道士女念精心懇禱禮拜供養來詣家中或詣居處捨身衣服玩弄卧具華果飲食香油器物駝驢牛馬隨其所有以表丹心善神立降即免災苦若能家中屈請道士女冠隨力多少或詣宮觀玄壇轉讀此經及以抄寫百卷千卷乃至萬億隨其力分捨施資財建齋受戒仰對高真禮拜懺悔燃燈燒香晝夜不捨吾即遣四天

帝王度其厄難出離苦海之中救護之法最為第一若帝王國主宰輔大臣諸王后妃及帝子王孫或父母已身妻兒眷屬見在終亡為其救護廣召道士不限多少於其正殿宮掖城郭宅舍及靈觀玄壇之中轉讀此經持齋受戒禮拜懺悔行道誦念燒香明燈散施財寶衣服卧具金銀珠玉綾羅錦綺童僕車馬幢蓋帳座放生續命廣建福田七日七夜乃至百日竟月終年不限時節動心不退吾

遣十天真人四司五帝即下履行按察功過使病者得痊死者得活厄者得度禁者得脫生者得福水火刀兵虎狼毒獸邪精魘一厄難求不干身年命長遠各得安寧若亡過者即得出離九幽地獄刀山劍樹鑊湯榜

縛痛楚之中上生天堂逍遙無為居家清吉若有善信男女敬信三寶能預修功德不可思議若道士女冠及諸男女若有善心者能為帝王國主人民土地一切衆生轉讀此經救度群品即得見世安樂過去生天若兵戈四起侵害兆民轉讀此經是諸惡賊即得退散無有傷害若疫毒時行人民疾病轉讀此經即得除愈兆民安寧若水旱蟲蝗風雨不調五穀妨害轉讀此經即得風雨順時國界清寧衆民和通華果茂盛百草滋榮若有惡風毒氣猛獸蛇蟲中害於人轉讀此經悉得避散若婦人懷妊臨產不分轉讀此經即得分產平安若宮殿宅舍精邪鬼怪伏屍故氣宅宇不寧轉讀此經即得安寧夫轉讀功德不可思議保國寧家和天安地救護群品無

量福田

道君曰昔靈和國王身抱疾病一百日中命將垂死太子皇后及諸大臣宮妃公主晝夜相守不知何計有一道士心常慈悲說此經功德威力甚大能救濟王命即召道士及諸女冠千百餘人於王殿前懸像掛幡雜色寶蓋五色旌裝給七寶妙座燒無價名香龍鳳燈燭種種獻具廣陳供養放生續命散施財寶窮乏困苦解寡孤獨無所依怙飢饉瘵殘布施救濟寫經造像置觀度人七日之中功德無量吾遣度厄真人乘三素之雲與從諸童子下為開度免其厄苦應時平復王與皇后太子宮妃及諸大臣共相讚曰今日之福可不大道真經力乎乃廣召道士女冠書其國內百萬餘人大建道場立百萬高座講說大乘燒香散華旋繞道場吟誦洞章燃燈照耀散布珍華廣度國人男女及與王子文武大臣相好端正有道心者皆使出家一百日中晝夜不倦功德即感上天吾遣十華真人同時下降齊到道場燒香散華觀聽法音為

其濟度書其玉曆於長生簿中王於此時發大道心廣置諸觀閣度人造無量天尊形像廣寫此經聖號作無量幡蓋出無量法服供養三寶布施道士女冠并在會善友等大建如是福田七十年中一如前法善報不斷吾遣十真人同時來下各各乘九龍之輿從諸玉女建節持幢度入蓬萊山中令修正道今為太極真人昔香積國王被賊圍繞兩月之中人民困乏不知所計有一大臣念此寶經有大威力不可思議王即聽大臣所言即召道士令轉此經三日之中王與大臣冥心虔禱三清上聖玉帝高真伏地默想三寶一心無二精虔感徹吾遣五天將軍各領神兵萬億一時同下救護香積國王是諸惡賊即時送散一切人民無有損傷王於是大建功德置觀度人以答道恩勤行經戒三百年中吾遣察命真人乘六龍之輿度入金明山中授與此經誦念五百年中得為中嶽仙人昔有一賢者入海採寶忽遇惡風波浪震動不能自安誦念此經吾遣濟苦真人將九海

龍王八風使者攝制風水達其彼岸悉得平安復有女子臨產不分命重旦夕誦念此經吾遣救苦真人乘八輪雲輿為其開度即得平安吾遣左侍真人無量數眾或為道士或作凡夫持奉經戒符禁湯藥散在人間救護一切汝等男女不能分別但有衆善人用吾經教禁法符咒一言一句利益衆生我悉衛護使有威力汝等男女各宜信之

道君曰昔有女子居近大山為虎精所魅二十年中有道士為禁咒書符與誦經受戒女子先產四子各化虎身一時消化其病癘愈女子便就道士受持經戒今在金華山中已經八千歲又有一女子居在大水畔為蜃精所魅三十五年有一道士為誦咒書符精復本形化為流血女子還復如故又有一女子居大澤傍常與四女子端正華好同一處遊或入水中或飛林木上或大或小乍食乍不食變化自由人謂之聖或謂之仙如是十三年中人莫能測有一道士忽來觀察知非正真即為誦經受戒咒禁書符女子即化

成大蛇道士各以一符投之皆化為火俄頃刻間變為灰塵又有人家常至夜中音樂歌唱聞虛空中須臾之頃或龍或鳳或男或女飛翔遊戲依棲林木種種自由三年之中人莫能識有一道士為誦經行道呪禁書符時符化灰望空吹之群精俱下一時頓地化作狐狸伏道士前道士以水噴之皆成草木少時萎爛又有男子腹大如鼓日飲水三碩七年之中醫不能効道士書符誦經為其懺悔受戒吐出百餘小魚平復如舊又有男子唯嘆臭穢日五六斗二十三年人不喜見道士謂曰汝先身於玄壇中姪欲及大小便廁溷不淨臭穢今得此報急宜懺悔受戒勤修無退於是男子即詣道士至心懺悔受持齋戒道士以符投水中男子服了便吐蠅蛆一千餘枚平復如故又有男子日食惡草一把已來腹中恒痛八年之中道士謂曰汝前生喫食衆生今得此報但自首悔男子即便首過誓身為僕賤供養道士不辭辛苦道士便為誦經受戒七日夜中符水呪噴便化成斗一

百日中令知宿命道士以鍊形神符火中化之及其舊形從此受與其經令終身奉行如此之比說不可計吾以道炁散化無方遍及五億諸天無極世界分靈布化置立職司主領男女生死簿籍善惡分明諸天之中各有天帝四極天師十華真人察命童子善惡主司記錄罪福微細悉知猶如國王統攝天下人民男女山川草木莫不照知我亦如是普濟問曰天尊向說若國主有災兵革四興星宿錯度風雨不調百穀不成兆民疫疾國土不安造立宮觀誕育子孫興師動衆有所施為種種災厄一切不祥皆當告我造大功德抄經造像置觀慶人珍寶玩弄雜貨貝金銀珠玉田園屋宅宮殿苑囿以用布施入三寶福田度脫衆生救拔危苦赦放囚徒建諸齋戒敷百高座演諸大乘甚深妙義勸誘國人皆令聽法布施懺悔救護功德不可思議然衆生劣弱氣力不同縱使修行必不能辨能行一事復慮災厄不消進退疑惑莫能明了未審救護功德有等差否

道君答普濟曰救護解厄本在至誠布施捨財質其心疑既衆生見有深淺亦福力致則有輕重今粗言之凡有五種第一者造我真像隨應化身福流歷劫勝報無窮何以故衆生妄想心不可系觀我眞像便生念想想念既生真靈降接專誠注仰克果無為救護之中故為第一第二者抄寫經教三洞大乘福流永劫功德無邊何以故經者是吾遺教導引愚迷能發衆生無量道意從愚起悟因悟成真衆聖修行必登道果救護之中故為第二三者置觀慶人立堂造殿福流歷劫不可思議何以故一人出家主持經像教化衆生令發道意一以悟萬輪轉因緣助國化人弘道明法利益最多救護之中故為第三第四者修齋行道禮懺誦經講數燒香福田無量何以故齋以洗心道能通感行之謝罪契以祈恩功德諸天消災降福生死受賴齋戒為先救護之中故為第四第五者布施一切無量福田果報巍巍誠為深厚何以故財者衆生性命切已難忘能捨命財心無吝惜廣

建功德普濟衆生內息慳貪外除劫賊人天
利潤生死蒙恩救護之中故爲第五勤而行
之獲福無量

太上洞玄靈寶業報因緣經卷之六

太上洞玄靈寶業報因緣經卷之七 文七

功德品第十六

大慈大悲普濟真人以業報因緣請問太上
爾時太上道君告普濟曰吾昔於赤明劫初
在南丹洞浮關陽上觀火鍊池邊與

元始天尊大會說法廣度諸天時四梵天王
將諸眷屬無量國人嚴持香華供養三寶

元始上師并聽法諸聖各住一面

元始以此因緣即放眉間千種光明徹照十
方無量國土普使聞知同來就會廣闡靈音

遍以功德利益衆生是時東方世界九炁天

君將諸眷屬無量國人來到會中住其東面

建十法座百寶莊嚴九光靈蓋十絕靈燦青

旌青旆青梅青柶神龍鼓樂圍繞左右燒香

散華九光靈燭四明神燈巨億萬計照耀於

前南方世界三炁天君將諸眷屬無量國人

來到會中住其南面建十法座萬種莊嚴三

明之蓋六合神幡朱旗朱節絳席絳柶九鳳
丹絳圍繞左右燒香散華華燭四照蓮燈八
闍巨億萬計輝煥於前西方世界七炁天君

將諸眷屬無量國人來到會中住其西面建
十法座七寶莊嚴四轉靈幡十回仙蓋素帶
皓旗玉牀瓊席白虎鏗鐘圍繞左右燒香散
華寶燈八焰雲燭九光巨億萬計輝煥於前
北方世界五炁天君將諸眷屬無量國人來

到會中住其北面建十法座五色莊嚴八道
靈幡七明仙蓋阜旆玄麾羅紋錦席玄武擊

磬圍繞左右燒香散華燭千華燦燦萬烟

巨億萬計燦爛於前東北世界始青天君將
諸眷屬無量國人來到會中住其方面建十

法座皆以碧玉莊嚴碧霞飛蓋碧雲靈幡翠

節翠旗紺柶紺柶天仙奏樂圍繞左右燒香

散華神燭空明靈燈浮焰巨億萬計輝燦於

前東南世界始丹天君將諸眷屬無量國人

來到會中住其方面建十法座皆以紅寶莊

嚴紅蓮華蓋紅霞靈幡紅旗紅旆紅柶紅柶

仙童設樂圍繞左右燒香散華天光九色靈

煙十華巨億萬計照耀於前西南世界始素
天君將諸眷屬無量國人來到會中住其方
面建十法座皆以綠玉莊嚴縹雲飛蓋縹緜